


Tusi Paia Tamaiti  
meaalofa



Le Lagi, Le  
Aiga  
Matagofie o  
le Atua



Tusia e: Edward Hughes

Fa'atusa e: Lazarus  
Alastair Paterson

Fetuuna'i e: Sarah S.

Fa'aliliu e: [www.christian-translation.com](http://www.christian-translation.com)


gaosia e: Bible for Children  
[www.M1914.org](http://www.M1914.org)

©2021 Bible for Children, Inc.

Laisene: E iai lau aia tatau e kopi pe lolomi ai lenei tala,  
pe afai e te le fa'atau atu.



A o soifua Iesu i le lalolagi sa Ia ta'u atu i Ona soo e uiga i le Lagi. Na ia ta'ua o le "Fale o lo'u Tamā," ma fai mai e tele maota i inā. O se maota o se fale tele, matagofie. O le lagi e tele ma sili atu ona matagofie nai lo se isi lava aiga faalelalolagi.




Na fetalai Iesu, "Ou te alu e sauni se mea e nonofo ai outou. Afai foi ou te alu ma sauni se mea e nonofo ai outou, ou te toe sau ma talia outou ia faatasi ma a'u." Sa afio atu Iesu i le Lagi, ina ua mavae Lona toetu mai le oti. A o vaavaai atu Ona soo, sa aveina ae Iesu, ma na talia o Ia e le ao mai o latou luma.



Talu mai lenā taimi, ua manatua ai e Kerisiano le folafolaga a Iesu e toe fo'i mai e aumai i latou. Na fetalai Iesu o le a Ia toe afio faafuase'i, i se taimi e le'i faamoemoeina. Ae faapefea Kerisiano ua maliliu a o le'i afio mai o Ia? Fai mai le Tusi Paia latou te o sa'o e faatasi ma Iesu. O le alu ese mai le tino o le i ai lea ma le Alii.



O le Faaaliga, le tusi mulimuli i le Tusi Paia, ua ta'u mai ai le matagofie o le Lagi. O le mea e sili ona matagofie o le, i se tulaga faapitoa, o le Lagi o le fale o le Atua. O loo i ai le Atua i soo se mea, ae o Lona nofoalii o loo i le Lagi.



O agelu ma isi tagata faalelagi  
e tapuai i le Atua i le Lagi. E  
faapena foi tagata uma o le  
Atua ua maliliu ma ua o i le Lagi.  
Latou te usuina pese faapitoa o  
viiga i le Atua.



O nisi nei o upu mai le pese e tasi latou te usuina:  
UA AGAVAA OE ONA UA E LUIA I MATOU I LE  
ATUA I LOU TOTO MAI I  
Ituaiga UMA MA ATUNUU MA  
UA E FAIA i matou ma Tupu  
ma Ositaulaga I lo matou ATUA.  
(Fa'aa. 5:9)







O itulau mulimuli lava o le Tusi Paia o loo faamatalaina ai le Lagi o le "Ierusalema Fou". E matua tele lava, ma se puipui maualuga i fafo. O le puipui o le maa iasepi, e manino e pei o le tioata. O maa taua

ma maa taua e ufiufi ai le faavae o le puipui, feilafi i lanu matagofie.


O faitoto'a ta'itasi o le aai e faia i se penina telē e tasi!




O na faitotoa penina tetele e le tapunia lava. Tatou o i totonu ma tilotilo solo ... WOW! E sili atu le matagofie o le lagi i totonu. Ua faia le aai i le auro lelei, e pei o le tioata manino. E oo lava i le auala e faia i le auro.




O se vaitafe matagofie ma manino o le vai o le  
ola e tafe mai i le nofoalii o le Atua. I itu uma o le  
vaitafe o loo i ai le laau o le ola, lea na maua muamua  
i le Faatoaga o Etena. O lenei laau e matua faapitoa  
lava. E sefulu ma le lua ituaiga o fua eseese e fua  
mai ai, e ese lava i masina taitasi. O lau fo'i o le la'au  
o le ola e fa'amālōlōina ai nu'u.



E le manaomia e le lagi le la po o le masina mo le malamalama. O le mamalu lava o le Atua e faatumulia ai i le malamalama ofoofogia. E leai lava se po iina.



E oo lava i manu i le Lagi e ese. O i latou uma e lalelei ma faauo. Luko ma tamai mamoe e aai faatasi i le mutia. E oo lava i leona malolosi o loo aai i vao e pei o le povi. Ua fetalai mai Ieova, "Latou te le faatiga pe faaumatia i lo'u mauga paia uma lava."




A o tatou vaavaai solo,  
tatou te matauina o  
loo i ai mea o loo misi  
mai le Lagi. E leai ni  
upu ita e faalogoina.  
E leai se tasi o misa  
pe manatu faapito. E  
leai ni loka i faitotoa,  
aua e leai ni tagata  
gaoi i le Lagi. E leai ni  
tagata pepelo, fasioti  
tagata, faataulāitu, po  
o isi tagata amioleaga.  
E leai se agasala o soo  
se ituaiga i le Lagi.



I le Lagi ma le Atua e  
le toe iai ni loimata.  
O nisi taimi, e fetagisi  
tagata o le Atua ona o  
le tele o faanoanoaga i  
lenei olaga. I le Lagi,  
o le a soloiesea e le  
Atua loimata uma.



E leai foi se oti i le Lagi. O le a tumau pea le nuu o le Atua faatasi ma Ieova. E leai se toe faanoanoa, leai se toe tagi, leai se toe tiga. Leai se ma'i, leai se faamavaega, leai ni falelauasiga. E fiafia e faavavau tagata uma i le Lagi faatasi ma le Atua.






O le mea e sili ona lelei, o le Lagi e mo tama ma teine (ma tagata matutua foi) o e ua talitonu ia Iesu Keriso o lo latou Faaola ma usiusitai ia te Ia o lo latou Alii. I le Lagi o loo i ai se tusi e taua o le Tusi o le Ola a le Tamai Mamoe. E tumu i igoa o tagata. E te iloa o ai igoa o loo tusia ai iina? O tagata uma na tuu atu lo latou faatuatuaga ia Iesu.

O iina lou igoa?



O upu mulimuli a le Tusi Paia e uiga i le Lagi o se valaaulia matagofie. "Ua fetalai mai foi le Agaga ma le faatoanofotane, 'Inā sau ia!' ma ia faapea atu o lē faalogo, 'Inā sau ia!' A o lē e fia inu ia sau ia, o lē e mana'o i ai, ina inu fua ia i le vai o le ola."



Le Lagi, Le Aiga Matagofie o le Atua

O se tala mai le Afioga Atua, le Tusi Paia,

e maua i totonu

Ioane 14; 2 Korinito 5;  
Faaaliga 4, 21, 22

"O le ulufale mai o au afioga e maua  
malamalama." Salamo 119:130



O le faaiuga



O lenei tala o le Tusi Paia ua ta'ua mai ai e uiga  
i lo tatou Atuai tatou ma o lē e finagalo ia e iloa o Ia.

Ua silafia e le Atua ua tatou faia mea leaga, lea ua Ia ta'ua o le  
agasala. O le faasalaga o le agasala o le oti, ae e alofa tele le  
Atua ia te oe ua Ia auina mai Lona Alo e toatasi, o Iesu, e maliu  
i luga o le mo au agasala. Ona toe soifua mai lea o Iesu ma afio i  
le aiga i le Lagi! Afai e te e faamagalo au agasala, o le a Ia faia!  
O le a afio mai o Ia ma nofo i totonu ia te oe i le taimi nei,  
ma o le a e mau faatasi ma Ia e faavavau.

Afai e te talitonu o le mea moni lenei, fai atu i le Atua:  
Iesu pele e, ua ou talitonu o Oe o le Atua, ma ua avea oe ma  
tagata e oti mo a'u agasala, ma ua e toe soifua mai nei.  
Fa'amolemole, sau i lo'u olaga ma fa'amāg'u agasala, ina ia  
mafai ai ona ou maua le ola fou i le taimi nei, ma alu atu se aso e  
mafuta ma Oe e fa'avavau. Fesoasoani mai ina ia ou usita'i  
ia te Oe ma ola mo Oe o Lau tama. Amene.

Faitau le Tusi Paia ma talanoa ma le Atua i aso uma! Ioane 3:16

